

বাংলাদেশ



গেজেট

অতিরিক্ত সংখ্যা

কর্তৃপক্ষ কর্তৃক প্রকাশিত

বৃহস্পতিবার, সেপ্টেম্বর ১৬, ১৯৯৯

গণপ্রজাতন্ত্রী বাংলাদেশ সরকার

অর্থ মন্ত্রণালয়

অভ্যন্তরীণ সম্পদ বিভাগ

প্রজ্ঞাপন

তারিখ, ২৮শে ভাদ্র ১৪০৬/১২ই সেপ্টেম্বর ১৯৯৯

এস, আর, ও নং ২৬৬-আইন/৯৯/১৮০৩/শুল্ক-মূল্য সংযোজন কর আইন, ১৯৯১ (১৯৯১ সনের ২২ নং আইন) এর ধারা ১৪(১) এবং ৭৩(২) এর সহিত পঠিতব্য Customs Act, 1969 (IV of 1969) এর Section-19 এ প্রদত্ত ক্ষমতাবলে সরকার, অর্থ বিভাগের ১০ই জ্যেষ্ঠ, ১৩৯৫ বাংলা মোতাবেক ২৪শে মে, ১৯৮৮ ইংরেজী তারিখের প্রজ্ঞাপন নং এস, আর, ও ১২২-আইন/৮৭/১১২৪/শুল্ক, এর নিম্নরূপ সংশোধন করিল, যথা:—

উপরি-উক্ত প্রজ্ঞাপনের—(১) প্রথম অনুচ্ছেদের দফা (ঙ) এর শেষে দাঁড়ির পরিবর্তে সেমিকোলন প্রতিস্থাপিত হইবে এবং তৎপর নিম্নরূপ নতুন দফা (চ) সমিবেশিত হইবে, যথা:—

“(চ) এই প্রজ্ঞাপনের অধীন জীপ বা মোটরগাড়ী (কার) আমদানীর পর কোন সংসদ-সদস্য আমদানী তারিখের পরবর্তী তিন বৎসরের মধ্যে মৃত্যুবরণ করিলে তাহার উত্তরাধী-কারীগণ নিম্নবর্ণিত শর্ত অনুযায়ী উক্ত জীপ বা মোটরগাড়ী (কার) ব্যবহার বা উহা হস্তান্তর করিবার অধিকারী হইবেন, যথা:—

(১) জীপ বা মোটরগাড়ী (কার) আমদানীর তারিখ হইতে সংসদ-সদস্যের মৃত্যুর তারিখ পর্যন্ত সময় (উভয় তারিখ অন্তর্ভুক্ত) এর জন্য customs duty, মূল্য সংযোজন কর ও সম্পূরক শুল্ক পরিশোধ করিতে হইবে না, তবে আমদানীর তিন বৎসরের মধ্যে মৃত্যু-পরবর্তী বাকী সময়ের জন্য উপ-দফা (২) ও (৩) এ উল্লিখিত হারে কর পরিশোধ করিতে হইবে; উত্তরাধী-কারীগণ উক্ত জীপ বা কারটি হস্তান্তর করিতে চাইলে হস্তান্তরের পূর্বেই কর পরিশোধ করিবেন;

(৪২৯৯)

মূল্য : টাকা ১.০০

- (২) উক্ত সংসদ-সদস্যের মৃত্যু-পরবর্তী প্রাপ্ত বৎসরের জন্য পরিশোধযোগ্য করের পরিমাণ হইবে, আমদানীর তারিখে প্রযোজ্য customs duty, মূল্য সংযোজন কর ও সম্পদেরক শুল্ক এর এক তৃতীয়াংশ বা শতকরা ৩৩.৩৩ ভাগ এর সমপরিমাণ কর;
- (৩) উক্তরূপ মৃত্যু-পরবর্তী আংশিক বৎসরের ক্ষেত্রে, ছয় মাস বা তদুর্ধ্ব সময়কে পূর্ণ বৎসর হিসাবে গণনা করা হইবে এবং উপ-দফা (২) অনুসারে কর প্রদেয় হইবে; ছয় মাসের কম সময়ের জন্য কোন কর প্রদান করিতে হইবে না।”

(২) অনুচ্ছেদ ২ এর শেষে দাঁড়ির পরিবর্তে কোলন প্রতিস্থাপিত হইবে এবং তৎপরে নিম্নরূপ শর্তাংশে পরিমার্জিত হইবে, যথাঃ—

“তবে শর্ত থাকে যে, এইরূপ জীপ ক্রয়ের পরবর্তী তিন বৎসরের মধ্যে উক্ত সংসদ-সদস্য মৃত্যুবরণ করিলে তাহার উত্তরাধিকারীগণ কর্তৃক উক্ত জীপটি ব্যবহার বা হস্তান্তরের ক্ষেত্রে প্রথম অনুচ্ছেদের (৮) দফায় বর্ণিত শর্তাবলী প্রযোজ্য হইবে এবং এই অনুচ্ছেদের উদ্দেশ্য পূরণকল্পে “জীপ ক্রয়ের তারিখ” কে উক্ত দফায় উল্লিখিত “আমদানির তারিখ” বলিয়া গণ্য করিতে হইবে।”

২। এই প্রজ্ঞাপন বিগত ১৮-০৯-১৯০৮ বাংলা মোতাবেক ০১-০১-৯৮ ইংরেজী তারিখে বলবৎ হইয়াছে বলিয়া গণ্য হইবে।

রাষ্ট্রপতির আদেশক্রমে
আব্দুল মুর্তাদ চৌধুরী
সচিব।

মোঃ আবদুল করিম সরকার (উপ-সচিব), উপ-নিয়ন্ত্রক, বাংলাদেশ সরকারী মুদ্রণালয়,
ঢাকা কর্তৃক মুদ্রিত।

মোঃ আমিন জুবেরী আলম, উপ-নিয়ন্ত্রক, বাংলাদেশ ফরমস্ ও প্রকাশনী অফিস,
তেজগাঁও, ঢাকা কর্তৃক প্রকাশিত।